

Här Mars di Bartolomeo
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 4. Juni 2018

Här President,

sou wéi d'Chambersreglement et virgesäit, bieden ech Iech, dës parlamentaresch Froen un d'Madamm Gesondheitsminister an un den Här Minister vun der sozialer Sécherheet weiderzeleeden.

D'Schmäärztherapie ass eng wierksam Behandlungsmethod mat ville Virdeeler fir déi Betreffen, déi ënnert chroneschem Wéi leiden. Duerch d'Reduzéiere vun engem dacks onmoossege Medikamentekonsum kënnen gesondheetlech Folgeschiede substantiell reduzéiert ginn. Bis elo gouf déi wichteg Aarbecht vun der „ALPADO“ (Association luxembourgeoise des patients à douleurs chroniques) mat engem Subside vum Gesondheitsministère ënnerstëtzt. Dëse Subside leeft awer dëst Joer aus an dat obwuel d'Schmäärztherapeuten haut schonns iwwerlaascht sinn an och d'Patiente mat Waardezäite vu bis zu sechs Méint rechne mussen.

An deem Kontext wollt ech der Madamm Gesondheitsminister an dem Här Minister vun der sozialer Sécherheet dës Froen stellen:

1. Aus wat fir engem Grond gëtt dës Subside an Zukunft net méi ausbezuelte?
2. Gëtt et e Statut fir de Beruff vum Schmäärztherapeut?
3. Sinn déi zoustänneg Ministeren net der Meenung, datt d'Schmäärztherapie als eng unerkannte Behandlungsmethod an Zukunft vun der Krankekeess misst rembourséiert ginn?
4. Sinn déi zoustänneg Ministeren net der Meenung, datt een d'Schmäärztherapie insgesamt méi fërdere misst, a wa jo, wéi ?

Mat déiwem Respekt,



Fernand Kartheiser
Deputéierten